

Visoki predstavnik ukinuo zabranu obavljanja funkcije u političkoj stranci za sve zvaničnike koje su svojim odlukama smijenili raniji visoki predstavnici

Visoki predstavnik Christian Schwarz-Shilling je danas ukinuo zabranu obavljanja funkcije u političkoj stranci za sve zvaničnike koje su smijenili raniji visoki predstavnici.

Jedini izuzeci su osobe koje su smijenjene iz razloga koji se odnose na neostvarivanje saradnje s Međunarodnim krivičnim tribunalom za bivšu Jugoslaviju (ICTY).

Ovom Odlukom se svim drugim osobama omogućava da obavljaju funkcije u okviru političkih stranaka. Međutim, Odlukom im se ne daje pravo da se vrate na funkcije s kojih su smjenjeni.

Današnja Odluka predstavlja dio procesa normalizacije pravnog statusa smjenjenih zvaničnika, koji je gospodin Schwarz-Schilling najavio 21. marta.

Od tada je smjenjenim zvaničnicima omogućeno da podnesu zahtjev visokom predstavniku i zatraže ukidanje zabrane. Visoki predstavnik je takođe sistematski ukidao zabrane obavljanja javnih funkcija u različitim sektorima u kojima se vrši zapošljavanje.

Iako su smjene zvaničnika imale značajnu ulogu, u smislu da su Bosni i Hercegovini pomogle u prevazilaženju posljedica rata, potreba za smjenjivanjem zvaničnika je sve manje prisutna u vrijeme kada Bosna i Hercegovina ostvaruje napredak na putu ka

euro-atlanskim integracijama.

Takođe je važno da pravni status smijenjenih zvaničnika bude riješen prije zatvaranja Ureda visokog predstavnika.

Odluku o tome da li će se ove osobe vratiti u političku stranku trebaju donijeti lideri stranaka. Oni sada trebaju ocijeniti da li ove osobe, koje su ranije opstruirale implementaciju mira, danas mogu dati svoj pozitivan doprinos za bolju budućnost Bosne i Hercegovine i njenih građana.

Javnost i mediji će vidjeti koje će političke stranke ovim osobama omogućiti da opet preuzmu stranačke funkcije. Javnost i mediji će stranke smatrati odgovornim za odluke koje donesu.

Visoki predstavnik je prošlog petka ukinuo zabranu obavljanja javne funkcije u slučaju sedam osoba koje su raniji visoki predstavnici smijenili zbog opstruiranja implementacije mira.

Ukidanjem odluka o smjenjivanju se ni na koji način ne dovode u pitanje bilo kakvi sudski postupci koji se trenutno vode protiv ovih osoba.